



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/21-3-40-471-4/21**
Datum: **25.10.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica T.W.I. d.o.o. Kiseljak za donošenje rješenja o vodnoj dozvoli za ispuštanje tehnoloških otpadnih voda sa lokacije samouslužne autopraonice izgrađene u naselju Brestovsko, općina Kiseljak, na osnovu člana 139. stav (1) tačka 3. («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu, T.W.I. d.o.o. Kiseljak daje se vodna dozvola za ispuštanje tehnoloških otpadnih voda sa lokacije samouslužne autopraonice izgrađene u naselju Brestovsko, općina Kiseljak, na zemljištu označenom kao k.č. 1441 K.O. Brestovsko, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Korisnik poslovnog objekta za sve vrijeme trajanja ove vodne dozvole treba obezbijediti da se tehnološke otpadne vode koje nastaju od pranja motornih vozila sa lokacije predmetne autopraonice nesmetano prikupljaju putem slivnika sa slivnom rešetkom u taložnik i kanizacionim cijevima odvođe do separatora ulja i naftnih derivata, a zatim ovako prečišćene vode ispuštaju u glavnu kanizacionu mrežu kojom upravlja J.P. „Vodovod i kanalizacija“ d.o.o. Kiseljak.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Separator ulja i naftnih derivata, te pripadajuće objekte za prikupljanje i odvodnju zauljenih otpadnih voda, održavati u ispravnom stanju, redovno vršiti njihovo čišćenje i o tome voditi evidenciju.
 - 3.5. Čišćenje, odvoz i konačno zbrinjavanje sadržaja separatora i drugog opasnog otpada povjeriti pravnom licu ovlaštenim za tu vrstu djelatnosti prema sklopljenom ugovoru.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta u skladu sa Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.7. Prečišćene tehnološke onečišćene vode moraju ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije.
 - 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, Investitor, odnosno korisnik predmetnog objekta samouslužne autopraonice je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, T.W.I. d.o.o. Kiseljak se pismenim putem obratio ovoj Agenciji za ispuštanje tehnoloških otpadnih voda sa lokacije samouslužne autopraonice izgrađene u naselju Brestovsko, općina Kiseljak, na zemljištu označenom kao k.č. 1441 K.O. Brestovsko, općina Kiseljak.

U provedenom postupku dostavljena je i pregledana slijedeća dokumentacija:

- Aktuelni izvod iz sudskog registra, broj:051-0-RegZ-21-001264 od 27.08.2021. godine izdat od strane Općinskog suda u Travniku – original,
- Uvjerjenje o poreznoj registraciji od 30.04.2004. godine izdato od strane Kantonalnog poreznog ureda Novi Travnik - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1UPJT/1-1521-2/20 od 06.04.2020. godine - ovjerena kopija,

- Rješenje o odobrenju za gradnju samouslužne autopraonice, broj:03-23-61/16 od 08.06.2016. godine izdato od strane Službe za gospodarstvo, urbanizam i prostorno planiranje Općine Kiseljak – kopija,
- Rješenje o vodnoj dozvoli broj: 06-21-6801/21 od 24.09.2021. godine izdato od strane Ministarstva poljoprivrede, vodoprivrede i šumarstva Srednjobosanskog kantona – kopija,
- Rješenje o okolišnoj dozvoli, broj:03-23-743/15 od 05.10.2015. godine izdato od strane Službe za gospodarstvo, urbanizam i prostorno planiranje Općine Kiseljak – kopija,
- Rješenje o urbanističkoj saglasnosti broj:03-23-622/15 od 18.11.2015. godine izdato od strane Službe za gospodarstvo, urbanizam i prostorno planiranje Općine Kiseljak – kopija,
- Glavni projekat ZNR. Elaborat zaštite na radu, broj:90/15, urađen od strane „Arhitekt“ d.o.o. Zenica, decembar 2015. godine,
- Glavni projekat ZOP. Elaborat zaštite od požara, broj:90/15, urađen od strane „Arhitekt“ d.o.o. Zenica, decembar 2015. godine,
- Zbirni izvještaj o kontroli ukupne projektne dokumentacije, broj:R-10-12/15 Ledoux d.o.o. Žepče, decembar 2015. godine,
- Glavni projekat-Izgradnja samouslužne autopraonice sa dva zatvorena boksa, kontejnerom i ugradnja usisivača, urađen od strane „Arhitekt“ d.o.o. Zenica, decembar 2015. godine,
- Punomoć na ime Haris Karasalihović, L.K. broj:250M0090K izdata od strane MUP SBK, Kiseljak,
- Izvještaj o monitoringu kvaliteta i kvantiteta otpadnih voda sa objekta „T.W.I.“ d.o.o. urađen od strane Inspekt-RHG“ d.o.o. Kakanj;
- Dokaz o uplaćenju upravnoj pristojbi i administrativnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 19.10.2021. godine izvršen pregled objekata autopraonice i servisa, o čemu je sačinjen Zapisnik o uviđaju broj: UP-I/21-3-40-471-2/21.

Na osnovu dostavljene dokumentacije i izvršenog uviđaju na predmetnoj lokaciji utvrđeno je slijedeće:

Objekat samouslužne autopraonice je izgrađen naselju Brestovsko, općina Kiseljak, na zemljištu označenom kao k.č. broj: 1441 K.O. Brestovsko, općina Kiseljak. Samouslužna autopraonica se sastoji od dva natkrivena boksa za pranje vozila i pripadajuće opreme, jednog nenatkrivenog mjesta za usisavanje automobila, saobraćajnih površina za kretanje vozila prije i nakon pranja.

Glavnim projektom - izgradnja samouslužne autopraonice sa dva zatvorena boksa, kontejnerom i ugradnja usisivača, urađen od strane „Arhitekt“ d.o.o. Zenica, decembar 2015. godine predviđeno je da se prikupljanje otpadnih voda od pranja motornih vozila vrši putem slivnika sa slivnom rešetkom i kanalizacionim cijevima odvodi do separatora ulja i naftnih derivata, a zatim ovako prečišćene vode se preko okna za monitoring ispuštaju u rijeku Mlavu.

Radovi na prikupljanju, prečišćavanju i ispuštanju tehnoloških otpadnih voda iz autopraonice nisu izvedeni u skladu sa gore navedenom projektnom dokumentacijom. Umjesto ispuštanja u rijeku Mlavu tehnološke otpadne vode sa predmetne lokacije ispuštaju se u gradsku kanalizacionu mrežu kojom upravlja J.P. „Vodovod i kanalizacija“ d.o.o. Kiseljak.

Pravno lice je dostavilo Ugovor o pružanju usluga korištenja kanalizacione mreže potpisan sa J.P. „Vodovod i kanalizacija“ d.o.o. Kiseljak.

Prikupljanje otpadnih voda od pranja motornih vozila vrši se putem slivnika sa slivnom rešetkom i kanalizacionim cijevima odvodi do separatora ulja i naftnih derivata, a zatim ovako prečišćene vode se

preko okna za monitoring ispuštaju u gradsku kanalizacionu mrežu kojom upravlja J.P. „Vodovod i kanalizacija“ d.o.o. Kiseljak.

Na osnovu pregleda dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. Pravilnika o sadržaju, obliku, uvjetima i načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje tehnoloških otpadnih voda koje nakon upotrebe dopijevaju u vode, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Voditelj postupka:

Meho Čaušević, B.Sc.ing.grad

Prilozi:

- Glavni projekat ZOP. Elaborat zaštite od požara, broj:90/15, urađen od strane „Arhitekt“ d.o.o. Zenica, decembar 2015.
- Stručna ocjena i mišljenje o primjenjenosti propisa, standarda i drugih normativa zaštite od požara, Esta d.o.o. Busovača, decembar 2015. godine,
- Glavni projekat-Izgradnja samouslužne autopraonice sa dva zatvorena boksa, kontejnerom i ugradnja usisivača, urađen od strane „Arhitekt“ d.o.o. Zenica, decembar 2015. godine

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.grad.

Dostaviti:

- T.W.I. d.o.o. Kiseljak, Hrastovi bb, 71255 Kiseljak (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- ④ Oglasna ploča AVP Sava